

Cov Kev Uas Koj Tiv Thav Tau Koj Cov Neeg Ua Hauj Lwm Thaum Muaj Tus Kab Mob COVID-19



WISCONSIN DEPARTMENT
of HEALTH SERVICES

P-02673CH (08/2020)



COVID-19 yog ib tug kab mob tshiab. Uas kis yooj yim ntawm ib tug neeg rau ib tug.

- Yog koj tus neeg ua hauj lwm muaj tus kab mob, nws yuav kis yooj yim rau koj cov neeg qhua thiab lwm cov neeg ua hauj lwm, yuav ua rau lawv muaj mob.
- Koj yeej nqis tes rhais cov kauj ruam txo tsawg tau txoj kev kis kab mob hauv koj lub lag luam. Cov no muaj xws li kev tsuag tshuaj tua kab mob, looj cov npog ntsej muag, nyob sib nrug deb thiab kheev cov neeg mob nyob twj ywm tom tsev.



Koj qee cov neeg ua hauj lwm yuav muaj mob thaum nyob hauv hauj lwm. Koj yuav tsum rhais cov kauj ruam tiv thav lawv, koj lwm cov neeg ua hauj lwm thiab cov neeg qhua.

- Yog ib tug neeg ua hauj lwm pib muaj cov kev mob tshwm sim thaum nyob hauv hauj lwm, lawv yuav tsum mus tsev tam sis. Koj tus neeg ua hauj lwm yuav tsum cais nyob twj ywm rau tom tsev mus ib ntus.
- Kom txiav tu txoj kev sib kis tus kab mob COVID-19, nquag tu ntxuav thiab tsuag tshuaj tua kab mob rau lub chaw ua hauj lwm.
- Yog koj pom ib tug neeg ua hauj lwm twg muaj tus kab mob COVID-19, hu rau lub tuam tsev tswj xyuas kev noj qab haus huv hauv koj lub zos kom paub kev coj.



Ceev cov neeg muaj mob kom nrug deb ntawm cov neeg zoo neej yog ib lub tswv yim txiav tu txoj kev sib kis tus kab mob COVID-19 tau zoo tshaj plaws uas peb muaj.

- Yog ntsuas pom koj tus neeg ua hauj lwm muaj tus kab mob COVID-19, yuav tsum muab lawv cais nyob ib leeg kom txog thaum twg ib tug kws kho mob rau laj mej pej xeem los sis kws kho mob tso cai rau nws rov tuaj ua tau hauj lwm. CDC cov kev pom zoo tam sim no yog muaj txoj kev cais nyob ib leeg twj ywm kom txog thaum:
 - Lawv tsis muaj mob kub taub hau (qhov kev ntsuas kub qes dua 100.4°F).
 - Lawv tsis muaj cov tsos mob xws li hnoos, txog siav, ua daus no, mob caj pas, los ntswg, mob nqaij, mob taub hau, los sis tsis hnov khoom qab los sis hnov tsw ntxhiab.
 - Cov tsos mob no ploj mus tsawg kawg yog ib hnuv lawm (24 teev) yam tsis tas siv tshuaj txo qhov kub taub hau.
 - Kaum hnuv dhau mus lawm txij hnuv pib muaj cov tsos mob.
- Yog koj cov neeg ua hauj lwm poo nrog ib tug neeg paub tseeb tias muaj tus kab mob COVID-19, koj tus neeg ua hauj lwm yuav tsum cais nyob twj ywm tom tsev ib ntus mus 14 hnuv tom qab hnuv kawg kiag uas poo nrog tus neeg muaj mob, txawm yog ntsuas pom tias koj tus neeg ua hauj lwm tsis muaj tus kab mob.

Kheev koj cov neeg ua hauj lwm nyob twj ywm tom tsev thaum twg muaj mob los sis tom qab poo nrog ib tug neeg uas paub tseeb tias muaj tus kab mob COVID-19. Txawm yog ntsuas pom tias koj tus neeg ua hauj lwm tsis muaj tus kab mob los, lawv yeej tseem muaj feem mus poo raug tus kab mob COVID-19 ib lub sij hawm twg thiab tsis tau ntev txaus sij hawm rau txoj kev ntsuas pom. Tej zaum yav ntev mus yuav ntsuas pom lawv muaj tus kab mob. Qhov no yuav nyab xeeb dua thiab yuav muaj qhov chaw ua tau hauj lwm zoo dua.

Lwm Cov Chaw Muaj Pab:

- WEDC (Wisconsin Economic Development Corporation) <https://wedc.org/reopen-guidelines>
- Lwm cov kauj ruam uas koj yuav tau rhais tau pab kom koj tus kheej noj qab haus huv <https://www.dhs.wisconsin.gov/covid-19/protect.htm>